



Širom svijeta World Vision nastavlja djelovati sa ciljem zaustavljanja širenja pandemije COVID-19 i ublažavanja njenih posljedica kroz 4 područja :

CILJ 1



Intenziviranje preventivnih mjera kako bi se ograničilo širenje bolesti

CILJ 2



Jačanje zdravstvenih sistema i zdravstvenih radnika

CILJ 3



Podrška djeci na koju utječe COVID-19 kroz obrazovanje, zaštitu djece, hranu i sredstva za život

CILJ 4



Saradnja i zagovaranje kako bi osigurali zaštitu djece

Kraj proljeća u BiH obilježen je smanjenjem broja inficiranih virusom korona, u odnosu na prvi kvartal 2021. godine. SZO je odobrila upotrebu vakcina protiv bolesti COVID-19. Prve vaccine dostupne su i u BiH, ali u malim količinama, te su mjere fizičkog distanciranja i nošenja maski prilikom kretanja u javnom prostoru još uvijek najefikasniji metod u borbi protiv širenja virusa. Ograničeno kretanje i ograničen rad poslovnih subjekata u određenim djelatnostima ostavile su posljedice na bh. ekonomiju, zbog čega je veliki broj ljudi ostao bez posla. Svjesni poteškoća koje je ranjivim kategorijama u BiH donijela kriza izazvana globalnom pandemijom COVID-19, World Vision BiH ranjivim kategorijama kontinuirano distribuira pakete podrške. Pored toga, World Vision BiH je intenzivirao aktivnosti usmjerene na ekonomski oporavak pogodjenih porodica u područjima gdje djelujemo. Sve programske aktivnosti World Vision BiH obavlja u skladu sa epidemiološkim mjerama, te nastavlja raditi na podizanju javne svijesti o ozbiljnosti bolesti i važnosti pridržavanja preventivnih mjera.



Ekonomsko osnaživanje domaćinstava

Tokom maja smo distribuirali i montirali 11 plastenika sa sistemom za navodnjavanje za socijalno ugrožene porodice koje imaju mogućnost bavljenja poljoprivredom. Naše iskustvo pokazuje da ovakve inicijative doprinose ekonomskom osnaživanju ranjivih porodica, te smo nove javne pozive za dodjelu ove vrste pomoći objavili u nekoliko općina.

782 PORODICE



OSNOVNE ŽIVOTNE NAMIRNICE I HIGIJENSKE POTREPŠTINE



Paketi pomoći za najranjivije



Program stipendiranja djece

Našem jedinstvenom programu stipendiranja najranjivije djece Njihovi snovi trebaju vašu podršku priključila se grupacija Exclusive i Aero Exclusive doo Sarajevo. Ove društveno odgovorne kompanije prepoznaju važnost ulaganja u djecu i mlade u BiH i svojim gestom, stipendiranjem djece kojoj je to potrebno, dokazuju posvećenost razvoju i obrazovanju mladih generacija.

Svjesni poteškoća sa kojima se susreću brojne porodice širom BiH, zajedno sa organizacijom Johanniter-Unfall-Hilfe e.V. osigurali smo osnovne životne namirnice i higijenske potrepštine za 782 porodice u našoj zemlji. Prema Agenciji za statistiku BiH, više od 170.000 domaćinstava ili pola miliona stanovnika u BiH žive ispod praga relativnog siromaštva u 2015. godini.



Preventivna pričaonica

Rad i školovanje od kuće, gubitak posla ili privremena nezaposlenost, nedostatak fizičkog kontakta s drugim članovima porodice, priateljima i kolegama, utiče na naše mentalno i fizičko zdravlje. Svjesni promjena koje je u naše živote donijela pandemija COVID-19, zajedno sa mladima iz Udruženje mladih "Baum" iz Banovića organiziramo Preventivnu pričaonicu - radionice sa ciljem očuvanja mentalnog zdravlja mlađih. „Razgovor i razmišljanje o našim emocijama je nešto što većina ljudi preskače žureći ili za obavezama ili za odmorom od obaveza, a ono je najvažnije. Upravo to nam određuje naše potrebe i to je nešto što sam shvatio na radionicama“, kaže Ademir nakon učešća u pričaonici.



Prava djece

Djeca i mladi kažu da za njihovo učešće u procesima donošenja odluka, ključnu ulogu igraju porodica, škola i zajednica. Mi ih ohrabrujemo da izraze vlastito mišljenje, te ih kroz brojne radionice educiramo o njihovim pravima, načinima na koje se mogu uključiti i izraziti svoje mišljenje o odlukama koje ih se tiču. Ovo je dio napora naše organizacije, Udruženja "Naša djeca" Sarajevo i Ministarstva za ljudska prava i izbjeglice BiH, koje podržava Evropska unija u Bosni i Hercegovini, da doprinesemo rješenju najvećih problema vezanih za prava djece u BiH – nedostatak efikasnog mehanizma saradnje između vladinih i nevladinih organizacija i institucija države, i nedostatak glasa i mišljenja djece o pitanjima i odlukama koje ih se tiču.

Podrška djeci i porodicama u pokretu

Djeca izbjeglice poželjeli su svojoj okolini pokazati vještine koje su stekli na radionicama u Kutku za djecu, a mi smo ih podržali i pomogli im da organizuju Djecijski bazar. Kutak za djecu dio je projekta koji, uz podršku UNICEF-a, kroz projekt koji je finansirala Evropska unija u Bosni i Hercegovini, provodimo u Prihvratnom centru Ušivak u Sarajevu. Projekat teži osiguravanju osjećaja stabilnosti za djecu migrante, pružanje podrške djeci bez pratnje, kao i osiguravanju psihosocijalne podrške majkama.

BUDI ČUVAR DJEĆIJIH SNOVA

Doniraj za obrazovanje i sretnije djetinjstvo najranjivije djece u BiH i osiguraj im šansu za bolju budućnost.

Više informacija i uplate donacija na: www.worldvision.ba

nagradni konkurs za izbor video radova na temu

Naše sretno okruženje

Video radovi trebaju:



biti u trajanju od 30 sekundi do 1 minute, uključujući i odjavnu i najavnu špicu ili naslov filma; osobe koje se pojavljuju u prvom planu u video trebaju izraziti saglasnost za snimanje koju treba evidentirati odvojenim kratkim video klipom; muzika ili zvučni efekti koji se koriste u video uratku trebaju biti u vlasništvu autora ili autorice videa, ili imati odobrenje autora.

15. juni 2021.

Rok za slanje radova je **27.05.2021.** godine na e-mail adresu: pokretvrljednjepoziv@gmail.com

Nagradni konkurs

Mjere ograničenog kretanja, druženja i sastajanja, promijenile su način na koji žive djeca i mladi širom BiH i usmjerili ih na boravak u užem krugu ljudi. U namjeri da djeci i mladima pružimo priliku za kreativno izražavanje i potaknemo ih na promišljanje o značaju kruga ljudi u kojem se kreću i odnosima unutar njega, zajedno sa pokretom mladih Vrijedni pažnje djecu, pozvali smo djecu i mlade iz cijele BiH da svoje razumijevanje porodice i porodične dinamike izraze video uratkom. Svjesni sve veće važnosti koju nosi digitalna pismenost, učešće u konkursu podrazumijeva poznавanje fukcionalnosti osnovnih aplikacija za izradu videa, te dijeljenje ovih radova putem e-maila ili drugih, za to namijenjenih mreža.



World Vision
BOSNA I HERCEGOVINA

**NJIHOVI SNOVI
TREBAJU NAŠU PODRŠKU.**

